

Handwritten numbers and symbols: 110/24 and other marks.

მამულის

საერთო მფლობელობაზე

თხუზულება

ანტონ ფურცელაძისა

გამოცემული

წ. ჭიჭინაძისაგან



თფილისი, 1831

გრ. ჩარკვიანის სტამბა, ლორის-მედიკოსის ქუჩა.





# მ ა მ უ ლ ი ს

საერთო მფლობელობაზედ.

თხზულება

ანტონ ფურცელაძისა

გამოცემული

ზაქარია ჭიჭინაძისაგან.

თბილისი.

ექვთიმე სელაძის სტამბა

1881

38279



Дозволено Цѣнзурою Тифлисъ. 26 Августъ 1881 г.





## მამულების საერთო მფლობელობაზედ.

კაცობრიობის ცხოვრებამ და წყობილებამ იმავე დასაწყისითვე ისე აუქცია ნამდვილს და სწორე გზას, რომ რამდენიც ხანი გავიდა, იმდენი უთანასწორობა შეძლებასა და წოდებაში უფრო და უფრო დამკვიდრდა. ჯერ დამყარდა ოჯახის მეუფროსობა; ოჯახის მეუფროსობა გადიქცა გვარის ანუ მოდგმის მეუფროსობათ; გვარის მეუფროსობა გადიქცა თემის მეუფროსობად; თემის მეუფროსობა--ერისთავობათ, ერისთავი მამასახლისად,--რომელიც უდრიდა დღევანდელს რესპუბლიკის პრეზიდენტს,—მამასახლისი მეფედ, მეფე—ხელმწიფედ. ესევე დაემართა ქონებას. ჯერ ყველა კაცი სარგებლობდა განუსაზღვრელად სადაც ჰსურდა ყოველივე ბუნების მომნიჭულობით; მერე გვართა და თემთ, ვისაც უფრო მეტი ძალა ეჭირა ხელში, დაიკვიდრეს სხვა-და-სხვა საუკეთესო ადგილები და თავიანთ მეტი იქ აღარავინ გაატარეს. მერე ამ გვარსა და თემში დაიწყეს თვითვეულის სულ ზედ ამ ადგილების განაწილება და დროებით, ახალ სათემოთ ანუ საოჯახოთ გაყოფამდის, დასაკუთრება



მიწისა; მერმე დაიწყეს ამ დასაკუთრებული სათემო ანუ საოჯახო მიწებისა სამკვიდროთ დასაკუთრება და აქციეს საშვილის-შვილო ქონებათ; ბოლოს გაჩნდა ყიდვა და ყიდვით ზრდა და დასაკუთრება მამულებისა და ამით დაგვირგვინდა მამულების დაპყრობა და დასაკუთრება. რაც დაემართა მამულებს, ის მოუვიდა სხვა რიგ ქონებასაც.

მკითხველო, შენ დაჩვეული ხარ ზღაპრებსა, არაკებსა და ანდაზებს, და იმიტომ ვერც ინელებ იმ გვარ ნაწერებს, რასაც კი აქვს სახეში შენი სარგებლობა, შენი გონების გაღსნა, შენი თვალის ახელა. შენ არ კითხულობ იმასა, რასაც მცირეც არის ჩაფიქრება უნდა, და კი არ იცი, რომ მხოლოდ ის არის კაცის წინ წამყენებელი და წარმმატებელი; რაც აფიქრებს კაცსა და ამოძრავებინებს გონებას. ამის გამო გირჩევ, არ მოერიდო მძიმე წასაკითხებს, რომელთაც შეუძლიანთ კაცის გონების ჩაფიქრება. იქ უფრო ხშირად შეხვდები იმისთანა ნაწერებს, რომელთაც უმთავრეს საგნათ მხოლოდ ისა აქვთ, რომ შენ ჩაგაფიქრონ შენს გარემოებაში, შენ გაგაცნონ შენი თავი და ის ვითარებანი, რომელნიც გართყიან გარს, გიამბობენ გონების და სარჩოს შეძენის ძალას. ტყუილათ გგონია, რომ ყველა ამგვარი ნაწერები იყვნენ გაუგებარნი. მართალია, ზღაპარით აღვილი წასაკითხნი ისინი არ არიან, მაგრამ ხშირად



ძალიან ადვილი გასაგონნი არიან. იმათ უნდათ მხოლოდ მცირე გულის-ხმა და გულის-ყურის დადება; მას უკან ისინი თვით მიგიზიდავენ და სიამოვნებით წაგეკითხებიან, რაკ ერთი გაცნობებენ თავს, რომ ლაპარაკობენ იმას, რასაც შენცა ჰგონობ, თუმცა ვერ მოგისაზრავს და ვერ გიგულის-ხმია.

წაიკითხე ეგრეთვე გულ-დადებით ეს ნაწერიც, რომლიდგანაც დაინახავ საითა გცემს ცხოვრების ტალღა და საით უნდა უქცევდე გზას.

მაშ დაგვიგდეთ კარგათ ყური. ჩვენ დავდექით თავში იმაზედ: რა მიმართულებაც მიიღო პირველადვე კაცობრიობის სწორე გზის აქცევამ.

ენახოთ ახლა რა წარმოსდგება აქ ამ გზის აქცევიდამ.

აქედამ წარმოსდგა ისა, რომ რამდენიც პირადი უფლება გაიზარდა და შევიდა ზოგიერთა წოდებასა და ხარისხში, იმდენი უფლება სხვებისა დაეცა, და შეიქნა მომეტებული ნაწილი კაცობრიობისა შეიქნა უძლური, რამდენიც მომეტებული ნაწილი კაცობრიობისა შეიქნა უძლური, იმდენი უფლება და უფროსობა მინიჭებული კაცი შეიქნა ძლიერი და მბძანებელი და მიაღწია იქამდის, რომ თითო-ოროლა კაცთა, მომეტებული ნაწილი გონებით სრულიად უძლურთ, უჭირავთ მილიონების ქონება და სიკვდილსიცოცხლე ხელთა და ზოგჯერ მილიონი კაცის სიცო-



ცხლეს შესწირვენ თავიანთს ერთ უბრალო გროშის უფასურს სურვილსა, და ეს მილიონებიც მორჩილებით სწირამენ ამ სურვილს თავსა.

ეს ითქვა საზოგადოთ უფლებასა და პირად უფლებაზედ. ესევე ითქმის ქონების შესახებ. რა წარმოსდგა იქი-დამ, რომ გაჩნდა მამულებისა და ქონების დასაკუთრება და საშვილის-შვილოთ დამკვიდრება?

წარმოსდგა პირველათ ისა, რომ რომელიმე ოჯახი არა მრავლობდა და მოსდევდა თითო ღერს ანუ ორ ღერს ოჯახზედ და ამათ ეჭირათ პირველადვე დაჭერილი დიდი მამულები, როდესაც რომ ზოგიერთა ოჯახობა მრავლობდა მეტათა. და ამ სიმრავლისა გამო თან-და-თან უფრო წვრილ-წვრილათ იყოფოდა ამათი მამულები და მრავალ ჯერ ისე გამრავლებულან, რომ სრულიად აღარ დარჩენილა გასანაწილებელი მამული. აი, წარმოიდგინე, მკითხველო, შემდეგი მაგალითი: ესთქვით პეტრე ხარება-შვილს აქეს ასი დღის მიწა და ჰყავს ხუთი ვაჟი. ამ ხუთმა ვაჟმა, შემდეგ პეტრეს სიკვდილისა, გაიყო ასი დღის მიწა. თითოს ერგო ოც-ოცი დღის მიწა. უმცროსს ძმას ჰყავს მარტო ერთი ვაჟი, დანაშთენს ოთხ ძმას ჰყავს თითოს ხუთი ვაჟი. უმცროსის ვაჟს რჩება ისევ ოცი დღის მიწა, დანაშთენი ძმის ვაჟებ-მა კი უნდა გაიყონ თავიანთ მამების ოც-ოცი დღის მიწა და თითოს ერგება ოთხ-ოთხი დღის მიწა. ახ-



ლა ამ თითო ხუთ ძმას ეყოლა, ესტკვათ, ოთხ-ოთხი ვაჟი და იმ დედის—ერთას ისევ ერთი. იქ რჩება ერთზედ ისევ ოცი დღის მიწა. აქ უნდა გაიყონ თითომ ოთხი დღის მიწაცა და რჩება თითოთს თითო დღის მიწა. ამათ თითო თითოს მიეცა კიდევ ოთხ-ოთხი ვაჟი და თითო ოთხმა ძმამ უნდა გაიყოს თითო დღის მიწა ოთხათა. რასაკვირველია, ამათ ეს არ ეყოფათ და უნდა მიჰმართონ მაშინ იმ ბედნიერსა, რომელიც ოჯახში თითოზედ მეტი არა მრავლობს, და სთხოვონ მიწა. ის ჰხედავს ამათს გაჭირებას და აძლევს მიწებს მოსახნავათ იმათა, ვინც უფრო მეტს ასიამოვნებს და თავს მოაწონებს. მაშინ დანაშთენები რჩებიან თითო მარტო ნახევარ დღიურის ამარა. ეს არ აძლევს ამათ საკმაო საცხოვრებლებს, შიმშილი და წვრილ-შვილი აწუხებს ამათა. მაშინ, რომ დროებითაც არის გამოჰკვებონ ამათ ცოლ-შვილი, იმეტებენ, ამ უკანასკნელს მამულს გასაყიდათაც. ვინ არი აქ მყიდველი? არის იგივე ბედნიერი კაცი, რომელიც ოჯახების გაუმრავლესობის გამო რჩება ოცი დღის პატრონი. ამას იმდენი აქვს, რომ თითონაცა ჰყოფნის და სხვებსაც აძლევს საიჯაროთ. ამ იჯარის მოგებიდამ ის ჰყიდულობს წვრილ-წვრილათ დანაშთენს განაყოფების ოთხმოცი დღიურსაც და ხდება ასი დღიურის პატრონი: სხვები რჩებიან უმამულოთ, უ-



ბინადროთ და რჩებიან სრულს მონათ ამ დიდი მამულის პატრონი კაცისა, რომელმაც მიაღწია ამ ბედნიერებამდის მხოლოდ იმითი, რომ კაცი არ ჩააფიქრდნენ თავის მომავალს, იხარბეს და დაუწყეს მამულებს დასაკურება და საშვილის-შვილოთ და-მკვიდრება.

ეს ერთი მაგალითი წარმოგვიდგენს ღღევანდელი უსწორობისა და უწყესობის დასაწყისს: ასე იყო პირველათ, როდესაც მიიღო დასაწყისი ღღევანდელმა ცხოვრებამ და ამას მოსდევს ღღევანდელი ცხოვრებაც, და რაც ხანი გადის იმდენი სარჩო, მამულები და ქონება გადის ხალხის ხელიდამ და ტრიალდება თითო ოროლა კაცის ხელში. რაკი სიმდიდრე შედის სრულს თავის ძალაში, მაშინ ჩნდება ბრძოლა ქონების პატრონთა შორისაც და ძლევა, რაღა თქმა უნდა, რჩება კიდევ დიდი ქონების პატრონს და დანაშთენი შემძლე კაცის სარჩოც თან-და-თან გადადის უფრო და უფრო ამათზე შემძლეთა ხელში და ღარიბი ხალხის რიცხვს თან და თან ემატება, და თითო ოროლა მდიდარნი უფრო და უფრო მდიდრდებიან. აი რას ამბობს ერთი იტალიელი მეცნიერი, ორტენსი, დიდათ გონიერი მცოდნე იმ კანონებისა, რომელნიც აწარმოებენ კაცთა ქონების მოძრაობასა: „რამდენიც რომელიმე კაცი უფრო და უფრო მდი-



დრდება, იმდენი სხვები უფრო ლარიბდებიან, ერთის სიმდიდრე აჩენს სხვების სიღარიბეს.“

რაკი უფლებითი და ქონებითი ძალა გაუშვა ხალხმა ხელიდან, რაღა თქმა უნდა, რომ ვინც ეს ძალა ივდო ხელთა, დასდევს კანონებიც და წყობილებანიც ისეთნი, რომ ხალხი ნიადაგ უხმო და ღარიბი ყოფილიყო. რაკი ხალხი არის უხმო და ღარიბი, მაშინ ესენი სარგებლობენ ამ ხალხითა და როგორც უნდათ ისე იხმარებენ. პირველათ ამ ძლიერთ და შემძლე კაცთ გააჩინეს მონება და ჰყვანდათ მონებათ გაჭირვებული და უხმო ხალხი. გაიძრა ხალხი, რაკი მეტი გაჭირვება ნახეს, გადაადგეს მომეტებულ ნაწილს ადგილებში მონობა, მაგრამ, რაკი ხალხს ერთხელ და ერთხელ დაკარგული ჰქონდა გზა და კვალი თავის ნამდვილი ძალისა და სარგებლობისა, მიანდევს უფლება ისევ იმავე ქონების და უფლების პატრონთ კაცთა, რომელთაც უჩვენეს ხალხს, ვითომც მონება გადავაგდეთო, და მონების მაგივრათ გააჩინეს ბატონ-ყმობა, რომელიც თუ უარესი არ იყო, მონებაზედ, უკეთესი მაინც-და-მაინც არ იყო. ევროპის ხალხებმა, რომელნიც არიან კაცობრიობის ყოველი გონებით მოძრაობის თავსა, იგრძნეს ამისი სიმძიმეც, აღელვდენ, გაიძრენ და მოშალეს ბატონ-ყმობა, მაგრამ რაკი უფლება არ დაიჭირა თითონ ამ ხალხმა ანუ ვერ მოახერხა ამ უფლების მოხმარება,



მისცა ხელთა უფლება ისევ ძველს თავის გამგეებს, რომელთაც აღიარეს სრული პირადი თავისუფლება კაცთა, მისცეს ძალა შეძლებას, აღიარეს ბატონობა ქონებისა, ანუ უკეთა ვსთქვათ კაპიტალისა. ქონების დასაცველათ დასდეს მკვიდრი კანონები. აქ იწყო სრული თავის ძალის გამოჩენა ქონებამ. რასაკვირველია, რაკი ხალხმა არ დაიჭირა ძალა ხელთა, არ დასდო ისეთი წესი, რომ ერთმანეთზედ ამაღლება და ერთმანეთის გამოჩენა შეუძლებელი ყოფილიყო, შემძლე და უფლების მქონე კაცთ ისარგებლეს ამითი და დასდევს ისეთი წესი, რომელთაც გადააჭარბეს მონობასაც და ბატონყმობასაც: ეს წესი არის ბატონობა ქონებისა, ანუ უკეთა ვსთქვათ კაპიტალისა. ქონება და შეძლება დატრიალდა ზოგიერთების ხელში. მომეტებული ნაწილი ხალხისა დარჩა უსახსროთ, ულონის-ძიებოთ, არა აქვს საკუთარი სამუშაო. ამის გამო უნდა მიჰმართოს იმან სამუშაოთ შეძლების მქონე კაცთა. შეძლების მქონე კაცთ უჭირს მუშა ხალხი, მაგრამ იმდენი კი არა, რამდენიც მთხოვნელი მუშა ხელია. ამასთან ამ შეძლების კაცთა გაიჩინეს მაშინაცა, რომელიც თითონ აკეთებს ასი და ათასი კაცის საქმესა; მაშასადამე ეს აიყვანს მხოლოდ იმდენსა, რამდენიც ამას უჭირს: სხვები რჩებიან უმუშაოთ, ულუკმო-პუროთ. რაკი არიან ამ გაჭიერებაში, რომ, თუ მდიდარმა არ მის-



ცა სამუშაო, უნდა გაწყდნენ შიმშილითა, მაშინ  
 ესენი თან-და-თან იკლებენ სამუშაო ფასსა, ოღონდ  
 მე ამიყვანოს მდიდარმაო, და მდიდარი მართლაც  
 და იმას იყვანს, ვინც უფრო ნაკლებს აიღებს და  
 ხან-გრძლივ იმუშავებს,—ვთქვათ ღღეში ათისაათის  
 მაგიერათ თუთხმეტს საათს რაღა თქმა უნდა, ეს გაჭი-  
 რვებულნიც, ისევ მთლათ შიმშილს, ჰრჩეობენ იმ-  
 დენისა მაინც ალებას, რომ ნახევარზედ მაინც ჰქო-  
 ნდეს საჭმელი. დანაშთენები დარჩენ გულ-ხელო და-  
 კრეფილნი და თავისის ცოლ-შვილით მშიერ მწყურ-  
 ვალნი უბინაოდ და ტიტველ-შიშველნი. ახლა გავ-  
 სინჯოთ, რა უფრო ცუდი იყო ხალხისთვის: მონე-  
 ბა, ბატონ-ყმობა, თუ უფლება ქონებისა ანუ უკე-  
 თა ესთქვათ კაპიტალისა. მონა უაჭველათ უნ-  
 და შეენახა თავის პატრონს მადლარი და ჩაცმულ-  
 დახურული, რომ გამოსდგომოდა იმას და შესძლე-  
 ბოდა იმის სამსახური და მტრის მოგერება; ეგრეთ-  
 ვე ბატონს უნდა მიეცა თავისი ყმისთვის საკმაო მა-  
 მული, რომ იმას შესძლებოდა თავისა და თავის  
 ცოლ-შვილის შენახვა და გამრავლება, რომ შესძ-  
 ლებოდათ ამათ თავის ბატონის სამსახური და მტრის  
 მოგერება. მაგრამ, რას ვხედავთ ჩვენ მაშინ, როდეს-  
 საც ძალა მიეცა და დაფუძნდა კანონზედ უფლება  
 შეძლებისა ანუ კაპიტალისა? იმისთვის სულ ერთია:  
 ერთი მოკვდება, მეორე დარჩება და იმას იმსახუ-  
 რებს; გაწყდება ხალხი და იმას აქვს მაშინები, რო-



მელნიც უზამენ კაცების მაგიერობას, და მუშები იმდენი მაინც დარჩებიან, რომ, რაც უჭირს ამათ გააკეთებინოს. ფულისა და სხვა შეძლების პატრონისთვის პირველი საზრუნველი ის არის, რომ მუშა კაცი აქციონ სრულს თავის ქონებათა და მინამა სწუწვის იმას ჯანსა და ღონეს, მინამ შეუძლიან იმას ამისი საქმის კეთება; რაკი აღარ შეიძლება, და სხვები მრავალნი თხოულობენ ამის ადგილს, მაშინ იმათ აიყვანს და დაუწყებს ახლა ამათ ჯანს და ღონეს წუწვნასა. ამ გეარს მდიდართაგან ხალხის წუწვნას ეწევა თან და თან ახალ-ახალი მაშინების მოგონება და შემოღება, რომელნიც უფრო და უფრო ამცირებენ მუშა ხალხის საჭიროებას ქარხანებსა თუ მამულებში. მაშასადამე ქონების პატრონს დღევანდელს წესში არა აიძულებს-რა, რომ დაჰზოგოს ხალხი; მისცეს იმას იმოღენა მაინც არის სამუშაო ფასი, რომ იმას მაძღრისათაც არის შეეძლოს თავის შენახვა; იმას აქვს კანონათ მხოლოდ გაძლიერება თავის სარჩოსი და ქონებისა, და რამდენიც უფრო ხან-გრძლივ და იაფათ ამუშავენ მუშათა, იმდენი უფრო გაიზრდება ამის ქონება და შეძლება. თუ სადამდის მიაღწია ამ ქონების ზრდის წყურვილმა და ხალხის დაუზოგავობამ, ამას გვიჩვენებენ ჩვენ ინგლისის მწერლები, იტალიის მწერლები და სხვა რომელიმე ევროპის სვინილისიერი მწერლები, რომ-



მელნიც ამბობენ, რომ, რაკი რომელსამე პირუტყეს ანუ მიწის მოსავალს დაედო ფასი, მიწის პატრონთა და ქონების პატრონთ ანებეს თავი მიწებზე პურისა და სხვა კაცის საზრდოს. თესვასა და ან მოჰყავდათ სამღებრო ანუ სხვა ძვირფასი ნივთიეულებანი, ანუ გადააქციეს მაგალითად მარინოსის ცხვრების საძოვრათაო, — ასე რომ აღარ აძლევდნენ ამ მიწებს გლეხთ სახნავათა და არამც თუ მთელი სოფლები და ბევრგან, მაგალითად იტალიაში, ბელგიაში და მეტადრე ანგლისს და ირლანდიაში, მთელი ქვეყნები წყდებოდნენ შიმშილითა და ვისაც კიდევ მოსდევდა ჯანი და ღონე, ათასობითა და ათი-ათასობით ყოველ წლივ გარბოდნენ თავის ქვეყნებიდამ სხვა ქვეყნებშიაო. ასე რომ მთელს მილიონ ხალხებს ქონების პატრონნი ანაცვალებდნენ თხა-ცხვარს, ყაჭის ჭიას და სამღებრო ნივთიეულებსა. იქამდის მიაღწია ამ გ ვარმა ხალხის შეუბრალებლობამ, სწერენ ეს მწერლები, რომ საქონელს, ცხენებს და ძაღლებს უფრო ფასი ედო, ვიდრემ კაცსა, და პირუტყენი უფრო კარგათ იკვებებოდნენ, ვიდრემ მუშა ხალხნიო.

ჩვენ კიდევ ვერ უჩვენებთ სრულს სურათს მკითხველსა, რაც მოსდევს ქონების უფლებასა და ბატონობას და მის კანონათ დამკვიდრებას. ჩვენ აქ გვინდოდა გვეჩვენებინა მკითხველისათვის ის კანონ-



ნი, რომელსაც მოსდევს ქონების უფლების აღიარება.

მართალია ამ უკანასკნელებამდის ჩვენში ჯერ საქმე არ მისულა, რათგან ჯერ არც ხალხი გამრავლებულა ჩვენში ისე და არც ქონება დატრიალებულა ასე უწყალოთ თითო ოროლას ხელში. მაგრამ ჩვენც ამ კვალს ვადგევართ და თითქმის სხვებზედ უფრო ადრე, რადგან ჩვენში უფრო ადრე დამკვიდრდა მამულების და ქონების დასაკუთრება და ამ მამულებისა და სხვა ქონების საშვილის-შვილო დამკვიდრება, რომელიც, როგორც ზემოთაც უჩვენე მკითხველებს, იყო პირველი მიზეზი ამ გვარი უსწორობისა და მომეტებულ ნაწილი ხალხის უბედურებისა.

რასაკვირველია, რაკი დატრიალდა ამ გვარი წესი, რა კი ხალხმა ნახა, რომ ამისი საქმე თან-და-თან უფრო უარ და უარ მიდის და ქვეყანა რჩება თითო ოროლათა და სხვებს ელით შიმშილით გაწყვეტა და გაწრიოკება, ამის გამო ხალხმა და ხალხის ერთგულთ მეცნიერთ მიაპყრეს ღრმით გონება, თუ რა უნდა ეშველოს მომეტებულს ნაწილთ დაჩაგრულთა, რომ იხსნან ამ წესისა და სიმდიდრის უფლებისა და ბატონობისაგან.

რასაკვირველია, რაკი გადაავლეს ისტორიას თვალი, ასწონეს კიცის წარსული ცხოვრება და



ქცევა, მაშინ ცხადლივ დაინახეს, რომ ყოველი უბედურება წარმოსდგება იქილამ, რომ ხალხს ნამდვილს ხალხს არ ეჭირა არასოდეს უფლება ხელში და ხალხი აძლევდა თავის-თავსა და თავის ქონებაზედ უფლებას თითო ოროლათა, რომელთაც ძალაც ხელში ეჭირათ ხალხისა და სამართალიცა; მაშასადამე არც არაფერს შეეპუებოდნენ ხალხის სურვილს და არც შეასრულებდნენ ხალხის საჭიროებას, რადგან ხალხის სურვილისა დასაჭიროების შესრულება იყო ამათი საზარალო და საენებელი.


რაკი ეს სცნეს მეცნიერთა, რაკი ეს სცნეს გამოკვლევით ხალხისათვის თავ-გამოდებულთა, მაშინვე დაუწყეს ამისი ხალხს შეგონება. იმათ პირდაპირ დაუწყეს ხალხს ქადაგება, რომ მინამ შენი საქმეები, შენი თავი, შენი ჯანი და შენი ქონება არ იქნება შენს ხელთა, მინამ სახალხო გამგეობა და ხალხის ძალა არ გეპყრობა შენა, მინამ არ მოგელის არავითარი კეთილი, მინამ იქმნები შენ შემძლე და ძლიერთ კაცთ ხელთ პირუტყვზედ უხმო და უსულლო მაშინასავით სახმარი; მინამ შენცა და შენი შთამამავალიც იქმნება ნიადაგ მშიერ-მწყურვალი და მოგელით ტანითა და გონებით გაწრიოკება და ბოლოს გიწერია სრული ჭკუითა და სხეულით დაპყრობა და დასასრულ სრულიად მოსპობა, როგორც ის-



პობიან კიდევ ეხლავე მრავალი სამუშაოს მოკლებული ხალხი თავისი ცოლ-შვილით.

რაკი ამ აზრს მოჰკრეს ყური შემძლებისა და უფლება მინიჭებულთ ხალხთ, იმათ ამ გვარი აზრები ჰპოვეს კანონისა და სახელმწიფო წესების წინააღმდეგათ, რომელნიც თვითონვე დაეწესებინათ, ვითომც მთელი ხალხის თანხმობით, თუმცა ხალხს არც კი გაუგია, როცა ისინი აწესებდნენ სხვა-და-სხვა სჯულებს და სხვა და სხვი კანონებს. იმათ დაუწყეს სასტიკათ დევნა ამ გვართ სიმართლისათვის თავის გამოძებთ. იმათ დაუწყეს ამათ დატყვევება და წამება, როგორც ატყვევებდნენ და აწამებდნენ კერპნი თუ ქრისტიანნი ნამდვილი ქრისტეს სწავლის მქადაგებელთ. მაგრამ, რაკი ერთი გაიღვიძა ნამდვილმა აზრმა, რაკი ერთი გაფარდა ხალხში იმათისამართლის ხმა,—სიმართლის მქადაგებელნი არ შეუშინდნენ ხალხის მტრებსა არც იმათ ძალას არც ჯალათს, არც ტყვეობას და არც წამებას. ისინი პირ-იქით თვით ცულსა და ხმალ-ქვეშაც თავისას ჰქადაგებდნენ და აი სხვათა-შორის სადამდის მიდიოდა იმათი გაბედულობა. ერთს ინგლისელს მუშა კაცს, არტურ - ტიტლსეულს, რომელმაც გამოიღო თავის მოძმეთა მუშა ხალხის გასანთავისუფლებლათ თავი, გადუწყვიტა ინგლისის მართებლობამ სიკვდილით დასჯა, მაგრამ აი სიკვ-





დილის წინათაც რას ელაპარაკებოდა ის თავისა და თავის ამხანაგი მუშა ხალხის მტრებს, სასამართლო-შივე.

„ბატონებო! თქვენ მეკითხებით: რა მაქვს ჩემს სიმართლეთ სათქმელი, რომ ვიხსნა თავი სიკვდილისაგან, რომელიც თქვენ გადაგიწყვეტიათ ჩემთვის. მე მაგგვარს თქვენს კითხვას უყურებ ისე, როგორც მასხარაობას. მთელი ქვეყნის სიმართლეს რომ მქონდეს მე და შემეძლოს ამ სიმართლის წარმოდგენა თვით ციციკრონის მჭერ-მეტყველობით, თქვენს დიდ-კაცურს გაუმაძღარს გულს ვერა დაამშვიდებს-რა, ვიდრე არ გასძღება იგი იმ სისხლით, რომელიც აფეთქებს ჩემს გულს და რომელიც მდინარებს ჩემს ძარღვებში. მაგრამ ეს გული არ შედრკება ხალხის სიმართლისათვის არც თქვენი ჯალათის ცულის წინ, არც თქვენი სისხლით გაუმაძღარის სამართლის წინ; ეს გული სცემს ხალხის სიმართლისთვის, რომელიც თქვენი დიდებით გაუმაძღარი გულისთვის არის გაუგებარი, თქვენთვის, რომელთაც დაიპყრეთ ძალა, ქონება და სიკვდილ-სიცოცხლე ხალხისა, ხელთა. მე სრულიადაც არ ველი თქვენგანით სამართალს, რადგან სიმართლე დიდი ხანია გაქვთ თქვენ დაკარგული, და რაც შეეხება თქვენს პატიოსნებას, — საზიზღარი და სათაკილოა ჩემთვის პატიოსნება თქვენი. იქნება განიზრახოთ შეწყალება ჩემი? ამაოთ!



მე მინდა მხოლოდ სამართალი, რომ ვიცოდე რომ თქვენში იპოვება სიმართლე!...

„გავა რამდენიმე საათი და მოსწყდება ჩემი სიცოცხლეცა. მაგრამ ღამის ნიაფი, რომელიც დაჰქროლებს საფლავსა, სადაც მე ვიქმნები უპატიოთ თქვენგნით ჩაგდებული, მოჰბერავს თქვენი დიდებული სასახლის ფანჯრებსა, და ავიწლით თქვენ თავზედ ბალანსა და აგათროლებთ ფიქრი, რომ მოჰკალით კაცი, რომელიცა ჰქადაგებდა კაცთა სიმართლესა და რომლისაც სიკვდილმა უნდა გააღვიძოს ხალხი, რომელიც მოითხოვს თქვენგნით მართალთა სისხლსა. მაშინ თქვენ მოუსვენრათ დაიწყებთ ფოტინს თქვენს ნებიერს ყუათუკით მოსილს სარეცელსა... და მაშინ წარმოიდგენთ თქვენს საშინელს სისხლით გაუმადლობას... მაგრამ ამაოთ!...

„მე არ მენანება სრულიად სიცოცხლე. მაგრამ, ვიდრემ ეს სიცოცხლე არ გამომწირვია კიდევ თქვენგან, მე გამოგიცხადებთ თქვენ რისთვისაც ვიბრძოდი, რომ გაიგოს ეს ქვეყანამ, რადგან ვიცი თქვენი და თქვენ გვარი კაცების ხასიათი, რომ ისინი დაუმაღლამენ ქვეყანას ჩემს ქცევას და დამადებენ ბრალათ იმ გვარს დანაშაულობას, რომელიც გულისშიაც არ გამვლებია. ჩემი აზრი, ჩემი საბრძოლველი იყო ბედნიერება ჩემის ქვეყნისა დახსნა უბედურებიდამ ჩემი დამწყული თანა-მოძმე მუშა ხალხისა.



დიახ, მე თანაუგრძნობდი მათს სილატაკეს. მაგრამ, როდესაც ეს სილარიბე გახადეს სამასხარაოთ, როდესაც ამ ღარიბთა დაწყლოლებული გრძნობა იქმნა შემუსვრილ შეუწყალებლათ და თავ-ხედურის ძალადობით, მაშინ მე ველარ შევიმაგრე თავი. მაშინ მე ვუთხარ ჩემ თავს: ან უნდა მოკვდე და ან უნდა აიღო სისხლი ამ უბედურთ და დაჩაგრულთა მეთქი... ინგლისელთა გულში რომ ჰღვიებულიყო მცირეც არის ნაბერწკალი პატიოსნებისა და თავისუფლებისა, ისინი ყველანი ერთათ აღდგებოდნენ ჩემთან სიმართლისთვის და გამოიდებდნენ თავს...

„ალბიონი (ინგლიზეთი) სდევს მტრების ფეხქვეშ ბორკილ შეყრილი და უღელ დადგმული; მე ვმორდები იმას და არ მენანება ეს მოშორება. მოვა დრო, როდესაც დაიწყებენ ჩემ საფლავზედ ლოცვას და დაუწყებენ ჩემს გვამს თაყვანებას რაკი გაიგებენ რა საქმისათვისაც იქმნება ჩემი სიცოცხლე განწირული. მაგრამ მე ამ ჭამათ მაწუხებს ისა, რამ ეს ქვეყანა დარჩება კიდევ დიდ-ხანს მონებისა და ტყვეობისა, მტარვალებისა და მაშენიკების ქვეყნად. შთამამავლობა დაათასებს ჩემთ საქმეთა. მამკალით მე მოლორდები, რათგან გიმეორებთ რომ თქვენგან სამართალს არ ველი, და შეწყალებას კი არ მივიღებ“.

ამ გვართ გააღვიძეს და აღვიძებენ ხალხის



გრძნობას და გონებას ხალხის სიმართლისთვის თავ-  
გამოდებულნი და არ არიდებენ ისინი თავს არც  
სიკვდილს, არც ტყვეობას, არც სხვა რიგ მძიმე და  
დაუსრულებელს სასჯელს.

ხალხის სიმართლისთვის დიდი ხანი არის კა-  
ცობრიობაში ბრძოლა, მაგრამ იმ ბრძოლამ ვერც  
ერთხელ ვერ გაიტანა თავი და ვერ გაადევნა ბო-  
ლო. ბრალი ამისი იყო ისა, რომ არც ხალხს, არც  
ხალხის სიმართლისთვის თავ-გამოდებულთ არა  
ჰქონდათ კარგათ გამოკვლეული გზა, რომელზედაც  
უნდა დამდგარიყვნენ. მინამ კაცს შეუვიდოდა თავ-  
ში რწმუნება სამღრთო ძლიერებაზედ, მინამ ის  
იბრძოდა თავის სიმართლისათვის გაუგებრათ: დღეს  
ის გადაადგებდა ერთს თავის შემაწუხებელს, ხვალ  
ამავე ხალხიდან ძლიერი კაცი დაიჭერდა გადაგდე-  
ბულების ადგილს, რადგან ვერ დაეჭირათ ერთხელ  
და ერთხელ ისეთი წესი და წყობილება, რომ ეს  
შეუძლებელი ყოფილიყო, და ამ გვარი წესის დაყე-  
ნება შესაძლებელი იყო მხოლოდ მაშინ, როდესაც  
ამ გვარს წყობილებას დაეხმარებოდა ცოდნა, გა-  
მოცდილება და მეცნიერება, რომელთაც ისინი მო-  
კლებულნი იყვნენ. რაკი დატრიალდა ხალხში აზრი  
ბუნების გარეშე მყოფს სამღრთო ძალაზედ, რომ-  
ელიც განაგებდა იმათ აზრში ყოველს კაცისა და  
ბუნების საქმეებსა და მოვლინებაებსა, მაშინ მოინ-



დომეს ხალხის ერთგულთა ამ აზრებით მოქმედება და შეგონება ხალხისა და ხალხის მთავართა მოხელეთა, მეფეთა და დიდებულთ, რომ ძმობა, თანასწორობა და ერთობა არის სურვილი სამღვთო. ამ გვართ ხალხის ერთგულთ ეკუთვნოდნენ ქრისტე, რომელიც ჰქადაგებდა ებრაელებში, ბუდას სწავლას, რომელიც თითქმის ათასის წლის წინათ ქრისტეზედ ჰქადაგებდა ამასვე ინდოეთში, მოციქულნი ქრისტესი იოვანე ოქროპირი და ბოლოს დიდათ სახელოვანი ნემენცი მიუნცერი და სხვანი მრავალნი. მაგრამ მათმა ქადაგებამაც ვერ მისცა კაცთ ისა, რასაც ისინი ელტოდნენ, რადგან თვის სწავლაში ისინი ურევდნენ ბუნების გარეშე უცნაურს და რაღაცა მისურს სწავლასა, რომელიც აშინებდა და ატყუებდა კაცის გრძობა გონებას, რომელნიც იყვნენ სრულიად გამოკიდებულნი ბუნების ძალასა და მოვლინებაებზედ, და, მაშასადამე, რომელზედაც უნდა ყოფილიყო კიდევ ყოველი სწავლა და ყოველი ამისი საქმე დამყარებული. როგორც ინდოელთათვის კასტური (წოდებათა დაყოფილება) დაამყარეს ბუდას სწავლაზედ, ეგრეთვე ქრისტიანები თუმცა უნდა სრულიად წინააღმდეგსაც ჰქადაგებდა, — თვის დღევანდელ წესსა და წყობილებას ამყარებენ „სახარებასა“ და „სამოციქულოზედ“, თუმცა ქრისტე ნიადაგა ჰქადაგებდა ძმობას, თანასწორობას და ერთობას; თუმცა მოცი-



ქულნი ნიადაგა ჰქადაგებდნენ, რომ წინაშენ ღვთისა სწორე არიან მონანი და უფალნიო. ამ გვარი ცვლილება და გადასხვაფერება ამ მაღალის სწავლისა მოხდა იქიდამ, რომ ყველა სიტყვის სხვა-და-სხვა რიგათ აღსნა და გადასხვაფერება ყველას ადვილათ შეეძლო, რადგან ეს სიტყვები არ არიან იმ გვარს საფუძველზედ დამყარებულნი, რომ რამდენიც გინდა აბრუნო იგინი, ველარ შეიცვალოს იმათი აზრი და ყოველთვის ერთი და იგივე აზრი გამოდიოდეს. მათემატიკა რაკი არის იმ გვარს საფუძველს და მეცნიერულს ძალაზედ დამყარებული, რომ რამდენიც გინდა ეცადო, რამდენიც გინდა სცვალო, მაინცა-და-მაინც ორ-ჯერ ორი გამოვა—ოთხი. ორ-ჯერ ოთხი გამოვა—სხვა-და-სხვა, რაკი ფიზიკა, ფიზიოლოლია, ქიმია და სხვანი არიან იმ გვარს მეცნიერულს საფუძველზედ დამყარებულნი, რომ მათი კანონები ვერ გადასხვაფერდებიან, რამდენიც გინდა ეცადოს კაცი, და რათგან ამათი ავტორიტეტი არის თვით ეს სწავლა და მეცნიერებანი და არა კაცი, რომელთაც უწერიათ ესენი, — ამის-გამო მათი ძალა და მათი კანონები დარჩებიან გადუსხვაფერებელნი და გაურყვნელნი. ამ გვარსავე სამეცნიერო საფუძველსა ჰსაჭიროებდა სწავლა ხალხთა სიმართლის აღდგენისა, ძმობისა, ერთობისა და თანასწორობისა,

•იციონ ცენტრი კანტონოვ ათე ძანოლოტოქსემიო კანტონხ



და არა ბუნების გარეშე ძალაზე დამყარების ქადაგებასა.

ამ გვარს აზრზედ დადგნენ მხოლოდ ბოლოსა, მეტადრე რაც დაუწყეს შემუშავება პოლიტიკურს ეკონომიას, რაც მეიცა ძალა და დაუწყეს მეცნიერული გამოკვლევა სოციოლოგიას, ანუ საზოგადოებათა მეცნიერებას.

აი ამ მეცნიერებათა გვიჩვენეს რომ უმთავრესი კაცის დამღუპავი უთანასწორობისა და მდიდარ-ღარიბობის დამბადი გახდა ის წესი, როდესაც კაცმა უწყო დასაკუთრება ბუნების მომნიჭელობათა და მეტადრე ისა, როდესაც ეს საკუთრება გარდააქცია საშვილის-შვილო სამკვიდროებათ.

დღეს, რასაკვირველია შესდგომიან ამის დარღვევას და იმ გვართ დაწყობას, რომ აღარ იყვეს ესეები იმდენათ მაინც, რამდენათაც ამას ჰსაჭიროებს ხალხების თანასწორობა ცხოვრებისა და წოდებებში.

სხვათა შორის მეცნიერება, დასამტკიცებლათ თავის აზრებისა, ჩვენება იმ ქვეყნებზედ, სადაც არის კიდევ დარჩენილი საერთო მფლობელობა მამულებისა და არ გადადის მამულები სამკვიდროთ შვილსა და შვილის-შვილზედ და სადაც არ არის ხალხი ჩავარდნილი იმ უკანასკნელს სიღარიბეში, რომელსაც ვხედავთ იქა, სადაც მამულების ერთობა



არის მოსპობილი და სადაც მამულები არის დასაკუთრებული. ამ გვარი მამულების საერთო მფლობელობა, და საშვილი-შვილოდ დამკვიდრებული, არის დარჩენილი რუსეთის სახელმწიფო სოფლებში.

რამდენათ მალლა სდგას საზოგადო ხალხის სარგებლობისთვის იმ გვარი მამულების სარგებლობა, მამულების საშვილის-შვილოდ დამკვიდრებაზედ, მე მოვიყვან ჯერ ერთი ნემენცების მეცნიერის ბარონ გაკსგაუზენის რუსეთის მამულების საერთო მფლობელობის აღწერიდან ალაგებსა, და შემდეგ უჩვენებ მამულების საერთო მფლობელობის უპირატესობას და დასასრულ მის შეცვლას და გაუმჯობესობას საერთო სარგებლობისთვის.

ჩვენ შემოკლებით მოვიყვანთ, რასაც გვიწერს ბარონ გაკსგაუზენი რუსეთის მამულების საერთო მფლობელობაზედ.

რუსეთის თვითოეული სოფლის მცხოვრები ყველა ამბობს ისა, — ერთობრივ ირიცხება თანასწორ პატრონათ, რაც ამ სოფელში მამული, ტყე, სახნავი, საძოვარი, მდინარე წყალი, ტბა, აუზი თუ სხვა რამ მოიპოვება ამ სოფლის სამამულოში: ყველა მამაკაცს უდევს სხვების თანასწორი წილი ყოველს ამ ქონების სარგებლობაში. ტყე საწყლის-პირო, საძოვარი და სანადირო ადგილები რჩება გაუყოფე-



ლი და ყველას თანასწორი უფლება აქვს ამათს მოხმარებასა და სარგებლობაზედ. სახნაფი და სათიბი კი იყოფება სასოფლოთ თვითეულს მამაკაცზედ. გაყოფა ხდება ასე: უფარდებენ კარგსა და ავს, შორს და ახლო მიწებს ერთმანერთს და აყრიან წილსა: ვისაცრა შეხვდება, იმას დაესაკუთრება, ვიდრემ ახალი გაყოფის დრო არ მოვა. ახალი გაყოფა მომეტებული ნაწილი მოხდება კამერალიის აღწერის დროს. მაგრამ ყველგან ასე არ არის: ზოგან ხუთს წელიწადში ერთხელ მოხდება სასოფლოთ დაყოფა, ზოგან ათ წელიწადში ერთხელ და ზოგან მეტი და ზოგან ნაკლები ხანის განმავლობაში. მამულების შეფარდებისა და წილის ყრის დროს მთელი სოფლის საზოგადოება არის ერთათ შეყრილი. მამულებს სწილამენ, ზომამენ და აფარდებენ სოფლის განსაკუთრებითი ხელოსანნი, რომელთაც კარგათა აქვსთ ეს შესწავლილნი მამა-პაპითვე და ისე სწორეთა და სამართლიანათა ჰზომენ, ჰყოფენ და აფარდებენ, რომ ძვირათ თუ მომდურავი თავის წილისა ვინმე რჩებოდეს სოფელში. ამასთან, ალაგ - ალაგ არის დადებული, რომ თუ ვისმე გაუპატივებია და გაუუმჯობესებია მამული, ამ გვარი მამულები გაყოფის დროს თუ ამოდენა წილი შეხვდებათ, რჩებათ ამათვე; თავის ხვედრ წილში ეგრეთვე თუ ბალი გაუშენებიათ, ეს



ბალებიც რჩებათ ამათა, თუ შეხვდებით ამოდენა ალაგი წილში. თუ არა და ჩამოერთმევით მარტო ისა, რაც მეტი მოვა ამათს ხვედრს წილზედ და დანაშთენი ამათა რჩებათ,—თუმცა ძალიან ძნელი საფიქრელია, რომ იმოდენა მამული გაეპატივებინოს ვისმე, ან გაეშენებინოს, რომ დაყოფის დროს იმაზედ ნაკლები წილი შეხვდეს. მაშასადამე, თუ გაპატივება და გაშენება ვისმე უნდა თავის ხვედრი მამულისა, შეუძლიან სრულიად უშიშრათ გააშენოს და დარწმუნებული იქმნება, რომ ეს გაკეთებული მამულები ამასვე დარჩება. ამ დაყოფის დროს საკვირველი სიმშვიდე და უყაყანობაა მთელს სოფელში. უკეთუ მოხდება, რომ ვისმე წილში ერგო სხვებზედ უხეირო მიწები, მაშინ გამოზომილი მიწებიდამ უდებენ ამათ კიდევ წილს.

ამავე გაკატგაუზენის სიტყვით, ამ გვარის სოფლების მახლობლათ ყოფილან დასახლებული ნემეცები, რომელთაც თავისი ჩვეულება და ადათების წესით მისცემიათ მიწები, ასე რომ მიწები ჰქონიათ ყველას თავის საკუთრებათ და საშვილის შვილო სამკვიდროთ. რაკი ამ ნემეცებს უნახავთ ამ რუსების წესი, მოსწონებიან ესა, და უნახავთ საზოგადოთ და თავის საშვილის-შვილო სასარგებლო საქმეთ, უთხოვნიან რუსის ხელმწიფისთვის, რომ ჩვენც მოგვეცით ნება, რომ ჩვენი მეზობელი რუ-



სების წესზედ ვიდგეთო და მიიღეს ამათაც რუსების სოფლების მფლობელობისა და დაყოფის წესი.

ამასთან დაგვაიწყდა გვეთქვა, რომ ამავე გასკტგაუზენის სიტყვით ყველა წილის საყრელი მიწები ისეა დანაწილებული, რომ თითო მონაწილეს თითო მხარესა აქვს ყველა მიწები წილათ მიცემული, ასე რომ ცალ-ცალკე არა აქვთ გაფანტული მიწები, რომელნიც დიდათ საზარალოა ყველასათვის, რადგან გაფანტულს მიწებს ისე ვერ მოუფლის კაცი, როგორც ერთს ადგილას შეკრებილს. ამასთან, ესეც უნდა დაიხსომოს მკითხველმა, რომ აქ მონაწილეობა ეძლევა სულზედ და არა კომლზედ, ამასთან დაყოფის დროს აქვს წილი ყველას, როგორც ახლად დაბადებულს, ეგრეთვე მიღწეულს ბებერს.

ეს კიდევ არაფერი, ზოგიერთა სოფლებში არის წესი ამავე გასკტგაუზენის სიტყვით, რომ საზოგადო სასოფლო გუთნის ხარები შეინახონ. ეს უფრო იქა ხდება, სადაც ხმარობენ გუთანსა. რადგან ყველას არ შეუძლიან, რომ შეინახოს გუთნეული, ამის ვამო სოფელსა ჰყავს სასოფლოთ რამდენიმე გუთნეული საქონელი თავის გუთნის იარაღებით და ჰხვნიან ამ გუთნებით ყველასათვის რამდენიც საჭიროა.

შემდეგ ამ გვარს წყობილებაზედ ამბობს გასკტგაუზენი:



ეს ჩვეულებანი რუსეთისა სდგანან უზომოთ მალლა სახელმწიფოს კეთილ-დღეობისათვის, ვიდრემ სხვა ქვეყნებისა. ჯერ ერთი ისა, რომ ამგვარი მამულის მფლობელობა აშორებს რუსეთის ხალხს იმასა, რომ არ შეიძლება აქ გაჩენა პაუპრობისა, ესე იგი უბინაო, უმამულო და უსაქმური ხალხისა, რომელიც ასე უწყალოთ მრავლდება და ამძიმებს ევროპის სხვა სახელმწიფოებს. აქ მამულების დაყიდვა და დაგირაევა არავის შეუძლიან, რათგან ეს მამულები არიან სახელმწიფო საკუთრებანი, რომელნიც აქვთ სოფლებს მიცემული სასარგებლოთ, ანუ არის მთელი სოფლის საკუთრება და არა ცალკე-ცალკე თითო თითოსი, რომელთაც მხოლოდ სასარგებლოთა აქვთ მიცემული. ყველა სოფელში მცხოვრებს შეუძლიან თავისი ხელით და თავის თავით შეძენილი სარჩო გინდა შეჭამოს, გინდა გადაყაროს; მაგრამ მამულებს ვერას უზამს და ამის გამო ამის შვილებსა და შვილის შვილებს ნიადაგა რჩებათ ცხოვრების სახსარი».

ამ გვარივე საერთო მფლობელობა და უფრო ვრცელათაც არის ყაზახებში. ჩვენ მოვიყვანთ აქ ეგრეთვე შემოკლებით გაკსტგაუზენის აღწერილამვე ურალის ყაზახების საერთო მფლობელობაზედ.

— აქაც, — სწერს გაკსტგაუზენი, — ისეთივე წყობილებაა და მამულების საერთო მფლობელობა, რომ-



გორც რუსეთში. მაგრამ აქ სრულიად არ იციან, რა არის პირადი მამულის საკუთრება. მამული, რაც უჭირავთ ამ ყაზახებს, არის სრულიად მთლად ყაზახებისა საერთოდ და ყველას თანასწორი ნება და უფლება აქვს აქა. ყველაზედ შესანიშნავი არის აქა სათიბი ალაგები და სათევზაო ალაგები, რათვან ხენა თევზას აქ ისე არ მისდევენ, როგორც პირუტყვთა მოშენებას და თევზაობას. აქ სათიბი ადგილები არ დაიყოფა თითო სულზედ ცალკე, როგორც იყოფა ეს რუსეთში. აქ არამც თუ თითო თითო და თითო სოფელსაც არა აქვს სათივე ადგილები, აქ რაც სათივებია სულ საერთოა ყველა ურალის ყაზახებისა. თიბვა იწყება ყაზახის ატამანის (პირველი იმათი მეუფროსე) იმისი თანაშემლისა და სტანიცების (სოფლების) აფიცრების განკარგულების ქვეშ.

ატამანი ნიშნავს დღესა, როდესაც უნდა დაიწყოს თიბვა. აქ თიბვის დროს გამოსდევენ მთიბავეებს აფიცრები ყურის-საგდებლათ და წესის დასაცველად. ყველა ყაზახს შეუძლიან, სადაც უნდა ამოირჩიოს სათიბავათ ალაგი. რამწამს ამოჰყოფს მზე თავსა, აფიცრები მაშინვე დასცემენ დასტურს და იწყებენ ყაზახები ყველა თავისი სათიბი ადგილის შემოთიბვით შემოფარგვლას. ამ ერთ პირველს დღეს ყველა მართოდ თიბვით იფარგლამს იმ ადგილს, რაც გასათიბა-



ვით უნდა. თუ იმოდენა ადგილს დაუწყო ფარგელა, რომ ველარ მოასწრო გარს შემოვლება ფარგლისა იმ ერთ ღღეს, მაშინ ამ ცარიელს ადგილას შეუძლიან მეზობელ მთიბავეებს შემოვიდნენ ამ ფარგალში და გასთიბონ, რასაც გასწვდებიან. მინამ ატამანის დასტური არ გამოვა, არ შეუძლიან არავის, რომ ერთი ბეწვა ადგილი გასთიბოს და არამც-თუ გასთიბოს, არც ცელის ტარზედ მოსახვევი მოახვიოს, თორემ მაშინ სრულიად აღარ გაათიბებინებენ არასფერს იმ წლობითა და დარჩება უთივოთ.

როგორც თიბვას ეგრეთვე თევზაობასაც ვადა აქვს და ამ ვადაზედ მიდიან ყველანი წყლებზედ და იჭერენ, ვისაც რამდენი შეუძლიან, თევზსა. ამ დრომდის არავის არ შეუძლიან, რომ თევზისთვის წყალში ფეხი ჩასდგას.

აი ეს არის შემოკლებით რუსეთის საერთო მამულების მფლობელობა, როგორცა სწერს ვაკსტგაუზენი.

ახლა გავშინჯოთ, რა სარგებლობა მოსდევს ამ გვარს წყობილებასა და რამდენათა სჯობს ის ჩვენებურს მამულების დასაკუთრების წესსა.

ჩვენ თავშივე მოვიყვანეთ, რომ საშვილი-შვილოთ დამკვიდრებას რა მოსდევს, რომ მემკვიდრეებში რამდენიმე მონაწილე ისე მრავლდება, რომ აღარც კი ჰყოფნით სამკვიდრო მამული, ზოგი კი მისდევს



თითო-ორი ღერს და რჩება დიდ-ძალი მამული. ამის გამო ერთნი რჩებიან უნაწილოდ სრულიად და ღარიბდებიან, ზოგნი კი თითო ორი ღერს არა მრავლდებიან, ბევრი მამულები რჩებათ და ამისგამო არიან მდიდრათა და თან-და-თან ღარიბების უკანასკნელს მამულებსაც ესენი ყიდულობენ. გარდა ამისა, ჩვენ თავშივე მოვიყვანეთ კანონი, რაც მოსდევს სიმდიდრესა და დიდს შეძლებას: ეს სიმდიდრე არის იმ ძალის მქონე, რომ თან-და-თან იზიდავს და იჭერს ხელთ სხვების ქონებას და ამ სხვის ქონებითა და სიღარიბით თითონ იზრდება. ამ გვარის წესიდან დგება ისა, რომ, სადაც ეს წესი დიდ-ხანს გასტანს და ამასთან იქ ხალხიც ძრიელ გამრავლდება, იქ მართო თითო ორი ღერს ხელში ტრიალდება მთელი ხალხის ქონება და სარჩო და დანაშთენი ხალხი რჩება უმამულოთ, ცხოვრების უსაღსროთ და ითმენენ შიმშილს, სიტიტვლეს, უბინაობას, წრიოკდებიან ჭკუით და სხეულით და ბოლოს წყდებიან კიდევცა. რა კი ამ გვარი მამულებისა (თუ სხვა ქონების) დასაკუთრება გადადის საქვიდროთ, მაშინ მდიდრებს თან-და-თან უფრო და უფრო ეძლევათ ძალა, რომ დაიცვან თავის სიმდიდრე, წავიდენ წარმატებაში უმუშა ხალხობაც, მეტადრე ეხლანდელს დროებაში, როდესაც მაშინა აკეთებს ყოველი კაცის საქმეს. მაშინ მუშა კაცს აკლდება ის საამუშაოცა, რაც ერგებო-



და იმას მდიდრიდამ, რომ მაშინები არა ყოფილიყო მაგალითათ მდიდარი კაცი ქართული გუთნის მაგივრათ გაიჩენს ინგლიზელს რანსომის გუთანს, რომელსაც რვა უღელის მაგივრათ უჭირს მარტო ოთხი უღელი—ოთხი მეხრის მაგივრათ ორი მეხრე, დღიურის მაგივრად ჰხნამს დღეში ეს გუთანი თითქმის ორი დღისას. აქედამ წარმოხდგება ისა, რომ ამ მდიდარს კაცს, რომელსაც უჭირდა ოთხი მუშა კაცი და ოთხ კაცს აძლევდა სარჩოს, ახლა უჭირს ორი კაცი და დანაშთენი ორი კაცი დარჩა უსაქმურათ, მაშასადამე სახსარ-მოკლებულიცა. ამასთან ჰხნამს ერთი ორათ—ერთი ოთხათ მეტ მამულსა თავისთვის საკუთრათა ჭ აღარ რჩება უმამულო კაცს ამისი მამული მოსახნავათ. რანსომის გუთანი კიდევ არაფერი. შემამულე იჩენს ახლათ მოგონილ გუთანს, რომელიც ორთქლის, ანუ ცეცხლის შემწეობით, უხაროთ, უცხენოთ ჰხნამს რანსომის გუთანზედ ერთი ორათ, ერთი ხუთათ მეტს და არ უნდა ერთი მმართველის მეტი; და ამ ხენასთან კიდევ მაშინვე ჰფარცხამს, კიდევ მაშინვე სთესს. აქ ხომ მუშა და უმამულო კაცი სულ პირში ჩალა გამოვლებელი რჩებიან. ამასთან ესევე დიდი მამულის პატრონი კაცი იჩენს სათიბს და სამკალს მაშინას, რომელიც ოცი და ორმოცი კაცის ოდენას აკეთებს, იჩენს საღეწს მაშინას და ერთის სიტყვით, რაც კი შეძლება აქვს, იჩენს ყოველ-რიგს



მაშინას და აკეთებინებს ყველა საქმეს მაშინებს. მაშინ ყველა ის კაცი, რომელნიც გამოდიოდნენ ამის მამულით, რომელნიც იღებდნენ ამისგანთ სამუშაო ფასს და ინახავდნენ ამით თავის ცოლ-შვილს, რჩებიან უხნ-გ-უთესნი და სამუშაო ფასს მოკლებულნი. რასაკვირველია, ეს დიდი მამულის პატრონი უფრო და უფრო გამდიდრდება, რაკი ყველა თავის მამულს თითონ უფლის და აღარც გასდით სამუშაო ფასი. მემრე რა კინახვენ, რომ კაცის საზრდო ჭირნახული არ აძლევს დიდს ხელს, თან-და-თან აიღებენ ხელს ამ ჭირნახულის თესვასა და მოყვანაზედ. კაცის საზრდო ჭირნახულის მაგივრათ იწყებენ იმ გვარი მოსაგლისა და პირუტყვების მოყვანას და გამრავლებასა, რომლებიც საჭიროა ზავოდებისთვის და ქარხნებისთვის. მაშინ საჭმელი პურიც ისე შემცირდება და გაძვირდება რომ, თუნდ ჰქონდეს კიდევ მცირე რამ შეძლება უმამულო და სამუშაო ფასს მოკლებულს კაცს არ ექნება იმდენი, რომ ამით იყიდოს და სჭამოს. აქ მცირე ქონებისა და მამულების პატრონთაც ისე გაუჭირდებათ, რა კი პური და ხორავი დაძვირდება, რომ იძულებულ იქნებიან ცოტ-ცოტათი თავის უკანასკნელი სარჩო და მამულებიც მიჰყიდონ დიდი მამულებისა და შეძლების პატრონებსა.

აი შემოკლებით ის მაგალითნი და ის კანონნი, რასაც მისდევს ის წესი მამულებისა და ქონე-



ბის წყობილებასა, რომელიც დღეს ჩვენში ტრიან-  
ლებს.

მაგრამ რუსეთში, სადაც არის დაცული საერ-  
თო მამულის მფლობელობა, იქ ამ გვარად ხალხის  
გალატაკება შეუძლებელია, რადგან, როგორც გაკსტ-  
გაუზენი ამბობს, მამულების დაყიდვა არაფის არ შე-  
უძლიან, მაშასადამე, მამამ რაც უნდა ვალი დაიღოს,  
მამულები ვერ დაეყიდება იმის შეილება. ამასთან  
რამდენიც უნდა რომელიმე ოჯახი გამრავლდეს, იმ-  
დენი სასოფლო მამულიდამ ყველა მამა-კაცის სულ-  
ზედ უნდა სხვების თანასწორი წილი მიეცეს. მაშასა-  
დამე გამრავლებით აქ კაცი რასაც არ მოიგებს, არას ზა-  
რალობს, რადგან ოჯახში, რამდენიც უფრო ბევრია  
მუშა ხელი, რა კი ყველას სხვების თანასწორი მა-  
მული ეძლევათ, იმდენი უფრო კარგათ იცხოვრებს.  
რა კი გაყიდვა არაფის შეუძლიან მამულობისა, მაშას-  
ადამე, რაც უნდა მდიდარი კაცი იყვეს, ვერცა რას  
თითონ იყიდის და ვერც აიწევს ის მამულების შეძე-  
ნით ისე, რომ სხვებს ამითი ზიანი მისცეს. რა კი  
მამულებით ზურგი მისდევთ, მაშინ ესენი არ არიან  
ისე გაჭირვებულნი, რომ შეძლების პატრონთ იაფათ  
დაუდგენენ მუშათა და არ აიღონ თავისი შრომის  
ფასი, როგორც მოსდით ეს იმათა, ვინც უმამულოთ  
და შეძლება მოკლებულნი რჩებიან. აქ მთელი ის  
ხალხი, სადაც არის დაცული მამულების საერთო



მფლობელობა, თავის დღეში არ დარჩება უსარჩო-  
ვოთ და ექნება ყოველთვის ცხოვრების სახსარი.

მაგრამ რამდენიც ხალხი და მეცნიერება ცნო-  
ბაში მოდის იმდენი ჰპოვებენ, რომ ესეც არ არის  
საკმაო ხალხის ბედნიერებისთვის და მეტადრე სასო-  
ფლო მეურნოების წარმატებისთვის, ესე იგი ძამუ-  
ლების მოსაფლისა და საქონლის მომატებისა და გა-  
უმჯობესებისათვის.

არის ბუნების კანონი, რომ ხალხი მინამა მრავ-  
ლობს, მინამ აქვს ხალხს იმოდენა ცხოვრების ღო-  
ნეც არის, რომ შიმშილით არ იხოცებოდნენ და  
უფრო კიდევ მაშინ მრავლობს ხალხი, როდეს-  
საც ხალხს სარჩო საკმაო აქვს. მაშასადამე, რა კი  
ძამულების საერთო მფლობელობის პატრონნი იქ-  
ნებიან იმოდენს კმაყოფილს ცხოვრებაში, რომ  
უთუოთ დიდი გამრავლება უწყვიათ, ამის გამო  
ცხადი საქმეა, რომ ერთს დროს არა და ზოგან  
ცხლაც ძამულები საკმაო არა ხდება ხალხის ჯერო-  
ვანი ცხოვრებისათვის. ამის-გამო უნდა ძამულებს და  
შინაურ პირუტყვს გაუმჯობესება. გაუმჯობესებას  
უნდა დიდი შეძლება. დიდი შეძლება ამ გვარს წეს-  
ში შეუძლებელია. მაშასადამე, უნდა მოხერხდეს ისე,  
რომ ძამულების გასაუმჯობესებლათ მოიპოვოს  
კაცმა საკმაო შეძლება. ამის-გულისთვის არჩევენ  
იმას, რომ ძამულები დაიდოს სულ სასოფლოთ,



რომ დაყოფა სრულიად აღარ იყვეს: იხეხოდეს და ივლებოდეს მთლიან ერთიან ყველა სოფლის მუშა ხელის შემწეობით, და მარტო მოსავალი იყოფოდეს სასოფლოთ ყველა სულზედ ცალკე. ამ სასოფლოთ მოყვანილი სარჩოდამ აიღებოდეს იმოდენა მოსავალი, რომ გაუძღვეს ყოველ რიგს შამულის და პირუტყვთა გასაუმჯობესებელს საჭიროებას. თითო-თითო კაცს, მაგალითათ, არ შეუძლიანთ ყიდვა სახნავი, საბარი, სათოხნი, საფარცხი, სამკალი, სათიბი საღეწი და სხვა ამ გვარი მაშინებისა, და მთლიან მთელი სოფლის ხარჯით კი შეიძლება ამათი ყიდვა, რაკი შამული დარჩება სასოფლოდ გაუყოფელი. ამასთან, სასოფლო ხარჯით შეიძლება დაბარება მეცნიერთ აგრონომთა, რომელნიც უჩვენებენ და გაუკეთებენ ხელოვნურს სასუქსა, რადგან ეხლა გამოკვლეულია, რომ პირუტყვის სასუქი არ არის საკმაო ყველა მიწებისათვის და ვერც ჩადის იმ სასუქობას, რომელსაც ჩადიან ახლად მოგონილი ხელოვნური სასუქნი; აჩვენებს წესს და მაგალითებს საქონლის და სხვა პირუტყვის გაუმჯობესობისას, ბაღეულობისა და ბოსტნეულების საუკეთესო მოვლას და ხელს და სხვა ამ გვარები, რომელიც შეუძლებელი იყო ცალკე-ცალკე ოჯახებისთვის და რომელიც ადვილია მთელი სოფლისთვის. აქ იგივე მაშინები, რომელნიც დღეს მდიდრების ხელში ჰკლუბვენ ღარიბს ხალხს,



დაეხმარებიან მუშაობაში ხალხს და ერთი ასათ შეუ-  
მსუბუქებენ ამათ ცხოვრებასა და შრომასა. ამ გვა-  
რის წესით წავა წარმატებაში სასოფლო მეურნეო-  
ბაცა და აიწვეს ერთი ათათ და ერთი ასათ ხალხის  
კეთილ-დღეობაცა. თუ არ იქნება ამ გვარი წყობი-  
ლება, რომელიც ეხლა ავწერეთ, ან იმ გვარი  
წყობილება მაინცა მამულების მფლობელობისა,  
რომელიც არის რუსეთის მრავალს სოფლებში და  
რომლებიც ეგრეთვე ჩვენ ავწერეთ ზემოთა, სა-  
სოფლო მეურნეობის სახალხო საბოლოო შეუ-  
ძლებელია და უნდა დაეცეს, და წავა წარმატებაში  
მხოლოდ დიდი შეძლების პატრონთა მეურნეობა,  
რომელიც მოუღებს ბოლოს წვრილ მეურნეობას  
და მამულების პატრონს.





301.19

3981

ფასი ერთი აბაზი

იპოვდებიან და ჩაბრა გამოვლენ:

შემდეგი წიგნები:

- 1, ქალების განთავისუფლება დიუნ სტოკტმილისა.
  - 2, გეოსლოს ლექციები დარვინის ტეორიასზე.
  - 3, მუშა ხალხის მდგომარეობა საქარლკელში. წიგნი პირველი.
  - 4, მისილოვის «ასსოციაციიდგან» გარდმოკეთებული. წიგნი პირველი.
-



301.19

03 981

### იბეჭდება შემდეგი წიგნები:

- 1) თხუზულესანი, თ. რაფ. ერისთავისა, რომლის პირველი წიგნი გამოვა მალე.
- 2) ქართული კალენდარი, 1882 წლისა. ჩარკვიანის სტამბის გამოცემა.
- 3) თამარ მეფის ისტორია.
- 4) სულხან-საბა ორბელიანის ლექსიკონი. გამოცემა ალექსანდრე ეპისკოპოსისა.
- 5) თამარ ბატონიშვილი, რომანი გრ. რჩეულოვისა.

◆ „გრ. ჩარკვიანისა და ამხანაგ წიგნის მაგაზინაში“ ისყიდება ყოველ გვარი ქართული წიგნები; ქალაქს გარეშე მცხოვრებთ პირთ შეუძლიან დაიბარონ ამ ადრესით:

Въ Тифлисъ, въ Книжный Магазинъ Гр. Чарквіани и К<sup>о</sup>.